



Broj: 01/7-02-1945/23
Sarajevo, 25.07.2023. godine

Primljeno:		25-07-2023	
Org. jed.	Broj	Priloga	Vrijednost

PREDSTAVNIČKOM DOMU PARLAMENTA FEDERACIJE BiH

Dana 25.07.2023. godine održana je 2. sjednica Komisije za informisanje Predstavničkog doma Parlamenta Federacije Bosne i Hercegovine (u daljem tekstu: Komisija). Sjednici Komisije prisustvovao je dovoljan broj članova , tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Razmatranje Inicijative da se u Prijedlogu Budžeta za 2024. godinu planiraju finansijska sredstva za pristup novinskom servisu agencije FENA članovima Komisije za informisanje,
2. Izvještaj o aktivnostima koje se odnose na uspostavljanje saradnje sa predstavnicima Radio – televizije Federacije Bosne i Hercegovine i novinske agencije FENA,
3. Upoznavanje članova Komisije o Prijedlogu inicijative za ustanovljenje novinarske nagrade u Parlamentu FBiH,
4. Razno.

Na osnovu člana 44., a u vezi sa članom 63. Poslovnika Predstavničkog doma Parlamenta Federacije BiH, Komisija podnosi sljedeći

IZVJEŠTAJ

Ad-1.

Predsjednik Komisije je upoznao prisutne članove Komisije sa Inicijativom da se u Prijedlogu Budžeta za 2024. godinu planiraju finansijska sredstva za pristup novinskom servisu Federalne novinske agencije (FENA) članovima Komisije za informisanje kao i rukovodstvu Predstavničkog doma Parlamenta Federacije BiH. Komisija je uputila i dopis prema agenciji FENA u vidu traženja i dostavljanja informacije koliko bi ta pretplata u konačnici iznosila u konvertibilnim markama (KM) kako bi se mogla planirati finansijska sredstva prilikom planiranja Budžeta za 2024.



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

godinu. Komisija će, čim dobije potrebnu traženu informaciju, o tome upoznati sve članove Komisije.

Ad-2.

Predsjednik Komisije je upoznao prisutne članove Komisije sa upućenim zahtjevima ispred Komisije prema Federalnoj radio-televiziji Bosne i Hercegovine i Federalnoj novinskoj agenciji FENA radi održavanja zajedničkog radnog sastanka i uspostavljanja zajedničke saradnje.

Komisija je dobila odgovor od predstavnika Radio – televizije Federacije Bosne i Hercegovine putem kojeg su obavijestili Komisiju da će rado održati zajednički radni sastanak sa Komisijom, te da trenutno nisu u mogućnosti predložiti termin za održavanje sastanka zbog trajanja bolovanja i godišnjih odmora pojedinih članova Poslovnog odbora ali će to učiniti vrlo skoro.

Federalna novinska agencija FENA još nije dostavila nikakav odgovor, ukoliko se to desi članovi Komisije će biti blagovremeno obaviješteni.

Ad-3.

Uvodno izlaganje dao je predsjednik Komisije i veoma detaljno upoznao prisutne članove Komisije o prijedlogu Inicijative za ustanovljenje novinarske nagrade u Parlamentu Federacije BiH, a koji bi ujedno bio i podnosilac Inicijative prema Predstavničkom domu Parlamenta Federacije BiH.

Mnoge zemlje su na ovaj način odale počast svojim novinarima. Prijedlog je da se ta nagrada dodjeljuje svake godine za novinarske, odnosno reporterske uspjehe. Cilj je da Inicijativa zvanično bude upućena u Parlament Federacije BiH, kako bi upravo ovo najviše zakonodavno tijelo ustanovilo ovu nagradu, a po uzoru na slične novinarske nagrade koje već imaju susjedne države ali i Evropski parlament.

Ovom nagradom Parlament Federacije BiH će nastaviti braniti slobodu govora, medijski pluralizam i kvalitetno novinarstvo, te pomoći u prenošenju tih vrijednosti budućim generacijama. Prijedlog je da nagrada bude novčana, uz plaketu.

Svečanost dodjele nagrade pod nazivom „Novinarska nagrada Parlamenta Federacije BiH“ održavala bi se u Parlamentu Federacije BiH, 3. maja, na Dan slobode medija. Bio bi to znak podrške Parlamenta Federacije BiH istraživačkom novinarstvu, te važnosti slobode medija.

Nakon uvodnog izlaganja, Komisija je obavila raspravu tokom koje su članovi Komisije iznijeli svoje ideje, prijedloge i sugestije, te na kraju jednoglasno usvojili sljedeće zaključke kako slijedi:



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

1. Komisija za informisanje Predstavničkog doma podržava Inicijativu o ustanovljenju novinarske nagrade u Parlamentu Federacije BiH koja bi nosila ime „Novinarska nagrada Parlamenta Federacije BiH“.
2. Predsjednik Komisije će održati zajednički radni sastanak sa rukovodstvom Komisije za informisanje Doma naroda Parlamenta Federacije BiH i upoznati ih sa ovom Inicijativom kako bi ista bila predložena i usvojena na Domu naroda.
3. Predsjednik Komisije će podnijeti Inicijativu Predstavničkom domu Parlamenta Federacije BiH na usvajanje, a za koju je prethodno dobio jednoglasnu saglasnost Komisije.

Ad-4.

Pod ovom tačkom dnevnog reda, Komisija je razmotrila dostavljenu predstavku gospodina Haruna Išerića, od dana 13.02.2023. godine i obavila raspravu, te jednoglasno usvojila sljedeći

ZAKLJUČAK

Komisija za informisanje smatra da nije nadležna za odlučivanje u vezi podnesene predstave, te predlaže Kolegiju Predstavničkog doma Parlamenta Federacije BiH da razmotri i zauzme svoj stav prema podnesenoj predstavi u skladu sa članom 31. Poslovnika Predstavničkog doma, odnosno u skladu sa Pravilnikom koji donosi Kolegij Predstavničkog doma Parlamenta Federacije BiH.

PREDSJEDNIK KOMISIJE

Sanel Kajani

